

Baibulo ya ana Ikupasilani

Khoma
Lalikulu la
Nehemiya



Yolembedwa ndi: Edward Hughes

Yojambulidwa ndi: Jonathan Hay
Alastair Paterson

Yotengedwa ndi: Mary-Anne S.

Yotathauzidwa ndi: Tapiwa Maraira

Yo pangidwa ndi: Bible for Children
www.M1914.org

©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Perisiya, mtundu wamphamvu, unalamulira dziko lonse lapansi. Ndipo Mfumu Aritasasta analamulira Perisiya. Zimenezi zinam'pangitsa kukhala wolamulira wamphamvu padziko lonse. M'modzi mwa anthu amene anathandiza mfumuyo anali Myuda wina dzina lake Nehemiya. Ntchito yake inali kulawa chakudya cha mfumu kuti atetezere mfumuyo kuti isatengedwe ndi poizoni.



Tsiku lina Nehemiya anafika pamaso pa mfumu ali ndi nkhope yachisoni. Mfumuyo inafuna kudziwa chimene chinali cholakwika. "Inu mfumu, mukhale ndi moyo kosatha," anatero Nehemiya. "Ndili wachisoni chifukwa mzinda umene anaikidwa makolo anga uli bwinja ndipo zipata zatenthedwa." Nehemiya anali kunena za Yerusalemu, amene anali Atawonongedwa ndi nkhondo zaka zambiri m'mbuyomo.




Mfumu Aritasasta inafunsa kuti, "Kodi mukufuna chiyani?" "Ndiloleni ndipite ku Yerusalemu kuti ndikam'mangenso," Nehemiya anachonderera motero. Mfumu Aritasasta inavomereza mokoma mtima. Anaperekanso makalata a Nehemiya kuti amuteteze pamene anali paulendo.



Mfumuyo inathandizanso kwambiri. Anapatsa Nehemiya kalata yopita kwa Asafu, woyang'anira nkhalango za mfumu. Asafu analamulidwa kupereka matabwa ochuluka monga momwe Nehemiya anapempha kuti amange mpanda wa mzindawo.



Nehemiya atafika ku Yerusalemu, anasonkhanitsa akuluakulu a mzindawo n'kunena kuti: "Tili m'mavuto. Mzindawu uli bwinja ndipo zipata zatenthedwa. Tiyeni tiyambe kumanganso." Iye anawauza kuti Mfumu Aritasasita inavomereza, ndipo koposa zonse, Mulungu anali kumbali yawo.



Chikhulupiriro ndi changu cha Nehemiya ziyenera kuti zinalimbikitsa kwambiri anthu. Iwo anavomera kuti, "Tiyeni timange." Nehemiya anauza banja lililonse gawo la khoma limene liyenera kukonza.



Koma si onse amene anavomera kumanganso khomalo.
Munthu wina dzina lake Sanibalati ndi anzake aŵiri
Tobia ndi Gesemu sanali Ayuda
ndipo sanafune kuti linga
limangidwenso kapena



kuti zipata
zimangidwe.



Ntchitoyo itapitirira, Sanibalati anakwiya kwambiri. Iye ndi anzake ankanyoza Ayuda. Tobia anati, "Akadzamaliza kumanga khoma laling'onolo, nkhandwe imodzi yaing'ono idzagwetsa." Nehemiya sanayankhe. M'malo mwake, anapemphera kuti Mulungu achite nawo.



Pamene chitonzo chawo chonyodola sichinaphule kanthu, anakonza chiwembu pamodzi kuti amenyane ndi Yerusalemu ndi kuyambitsa mavuto ambiri monga akanathera. Apanso Nehemiya anapemphera kuti Mulungu amuthandize. Anaikanso mlonda usana ndi usiku kuti asadabwe.




Ayuda ankagwira ntchito molimbika kwambiri,
moti ankatopa kwambiri. Ena anachita mantha
kuti adaniwo abwera
kudzawapha pamene
akugwira ntchito.
Komabe, Nehemiya
sanaimitse ntchitoyo.
Anaika alonda
kuzungulira antchitowo
ndi kuwakumbutsa kuti
Mulungu ali kumbali yawo
ndipo Mulungu ndi
wamphamvu kuposa
mdani aliyense!



Nehemiya anayesa kukhala citsanzo cabwino. Mfumu Aritasasta inamuika kukhala bwanamkubwa wa Yerusalemu ndi ufulu woumiriza anthu chakudya ndi ndalama, koma sanachite zimenezo.



Anangogwira ntchito
molimbika pamodzi
ndi anthu pamene
ankamanganso
mpanda. Anagwiritsa
ntchito ndalama zake
kugula chakudya.



Pamapeto pake, anthu anamaliza khomalo, ndipo zitseko zokha zinangofunika kuikidwa pazipata zazikulu. Pamene Sanibalaleti, Tobia ndi Geshemu anamva kuti panalibenso mpata m'makoma a mpanda, analinganiza kuvulaza Nehemiya.



Anatumiza mauthenga kwa Nehemiya kuti akakumane nawo kumalo otchedwa Ono. Koma Nehemiya ankadziwa kuti akufuna kumupusitsa kuti atuluke mumzindawo kuti amupweteke. Anawalemba kalata kuwauza kuti sasiya ntchitoyo kupita nawo kukaonana nawo.



Mpanda
unamalizidwa,



ndipo
Nehemiya anaika alonda
kuti auteteze.



Anakhazikitsanso
lamulo
lakuti zipata
zisamatsegulidwe



mpaka
dzuwa
litatuluka.

Usiku wonse, iwo anayenera
kutsekedwa ndi
kutsekedwa.



Popeza kuti mzindawo unali wotetezeka, Ayuda ambiri amene anali ku ukapolo ochokera m'madera osiyanasiyana anabwerera ku Yerusalemu.



Nehemiya ayenera kuti anasangalala kwambiri kuti
anamaliza ntchito imene Mulungu anamupatsa
ngakhale kuti anakumana ndi zopinga zambiri. Iye
anakhalabe ku
Yerusalemu
ndipo
ankathandiza
anthu kuti
azimvera
Mulungu
nthawi
zonse.



Khoma Lalikulu la Nehemiya

Nthano yochokera mu mau a Mulungu,
Baibulo,

opezeka mu

Nehemiya

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhulukileni machimo anu, azakukhulukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khulukukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

